

आकाशवाणी

खबरां प्रोमिला जम्वाल कोला

- प्रधानमंत्री नरेन्द्र मोदी होरें हालिया घटनाक्रम पर यूक्रेन दे राष्ट्रपति Zelenskyy हुंदे नै टैलिफोन पर गल्ल कीती।
- भारत नै पाकिस्तानी फौज दे प्रमुख आसिम मुनीर हुंदे आसेया दिती जा रदियें परमाणु धमकियें दी निंदेया कीती ऐ।
- लोकसभा नै आमदन कर ते कर कानून संशोधन बिल मुंह-जुबानी वोटें नै पारित करी दिता ऐ।
- भारतीय मौसम विभाग नै औंदे 7एं दिनें दौरान उत्तराखंड ते हिमाचल प्रदेश च भारी थमां बड़ी भारी बरखा पौने दी पेशगोई कीती ऐ।
- बैंकॉक च होआ रदी Asian Boxing Championship च भारत नै 19एं ते 22एं बरे दी ऐठली बरेसू आले वर्ग च 4 सुन्ने दे तमगे जितियै, कुल 27 मैडल अपने नां कीते न।

<><><><><><>

PM –Zelenskyy

प्रधानमंत्री नरेन्द्र मोदी होरें आखेया जे भारत, यूक्रेन-रुस तनाजे दे तौले ते शांतिपूर्ण नबेड़े लेई वचनेबड़े दा ऐ ते इस भेठा हर मुमकन योगदान देग।

यूक्रेन दे राष्ट्रपति Volodymyr Zelenskyy हुन्दे नै टेलिफोन पर गल्ल करदे होई प्रधानमंत्री होरें आक्खेया जे भारत नै म्हेशा इस तनाजे दे शांतिपूर्ण ते तौले नबेड़े दी जरूरत पर जोर पाया ऐ। अपनी इक सोशल मीडिया पोस्ट च श्री मोदी होरें आक्खेया जे भारत इस भेठा अपना सहयोग देने लेई ते यूक्रेन कन्नै दबक्खिया सरबंध तगड़े करने दी तांग रखदा ऐ। प्रधानमंत्री होरें हाल दियें घटनाएं पर श्री Zelenskyy हुंदे विचार बी सुने। प्रधानमंत्री नरेन्द्र मोदी होरें अमरीकी राष्ट्रपति डोनाल्ड ट्रम्प ते रूसी राष्ट्रपति व्लादिमीर पुतिन हुन्दी अगले शुक्रवारें यूक्रेन जंग बारे होने आली गल्लबात शा पैहले यूक्रेन दे राष्ट्रपति हुन्दे नै गल्लकत्थ कीती।

<><><><><><>

MEA- Pak

भारत नै पाकिस्तानी सेना प्रमुख आसिम मुनीर हुंदे आसेया दिती गेदी परमाणु धमकी दी सख्त निंदेया कीती ऐ। विदेश मंत्रालय दे प्रवक्ता रणधीर जायसवाल होरें इक ब्यानै च आक्खेया ऐ जे भारत पैहलें गै एह साफ करी चुके दा ऐ जे ओ कुसै बी परमाणु धमकी जां ब्लैकमेलिंग अगगे नैऊ झुकोग। उनें आक्खेया राष्ट्र दी सुरक्षा लेई भारत दियां सब्भै जरूरी कारवाइयां जारी राहंगन ते अपनी सुरक्षा लेई कोई कदम पुट्टने कोला भारत पिच्छै नेही हटोग। जायसवाल होरें आक्खेया जे परमाणु हथियारों दी धमकी देना पाकिस्तान दा बड़ा पराना बतीरा ऐ, पर एह बड़ी मंदे भागें आहली गल्ल ऐ जे ऐगती पाकिस्तान दे सेना प्रमुख

नै एह राग कुसै त्रीये मुल्खै थमां होड़यै भलापेया ऐ। उनें आक्खेया जे पाकिस्तान दा एह ब्यान, ओहदी परमाणु कमान ते नियंत्रण दे बारे च लम्में समें थमां चलदी आवा रदियें चिंताएं गी होर गंभीर बनांदा ऐ।

<><><><><><>

LS- Income Tax Bill

लोकसभा नै कर-नियम संशोधन विधेयक-2025 ते आयकर संख्या-2 विधेयक-2025 गी ध्वनिमत कन्नै पारित करी ओड़ेया ऐ। केन्द्री बिल मंत्री निर्मला सीतारमण होरें बिहार च विशेष गहन संशोधन प्रक्रिया ते दुए मुद्दे पर विपक्षी सदस्यें दे विरोधै मझाटै एह विधेयक पेश कीते। आयकर संख्या-2 विधेयक-2025 दा मकसद आयकर कन्नै सरबन्धत कानून च तरमीम करना ऐ, जिसलै के कर-नियम संशोधन विधेयक-2025 आयकर अधिनियम 1961 होर संशोधन करोग ते वित्त अधिनियम 2025 च बी तरमीम करोग। 2014 बरे थमां सरकार नै कैई सुधार किते न। आमदन कर कनून च पिच्छले 10एं बरे च सुधार कीता गया ऐ, जेदे च कारपोरेट टैक्स सुधार, निजी आमदन टैक्स सुधार, पूंजी लाभ पर लग्गने आले कर च सुधार वगैरा शामिल न।

<><><><><><>

UIDAI-Face Authentication

हर भारतीय नागरिक दी आधार नम्बर कन्नै जोड़ियै चेहरे राएं पंछान करने आहली व्यवस्था तैहत 10 अगस्त 2025 तगर दंऊ अरब दे लैन-देन दा आंकड़ा

पार करी लैता गया, जेहड़ी इक्क बड़ी बड़ी उपलब्धी ऐ। छड़े 6एं महीने दौरान एह इक अरब कोला बधियै 2 अरब तगर पुज्जी गई ऐ। इस बवस्था जिसी “आधार चेहरा प्रणालीकरण प्रणाली” यानि Adhar Face Authentication System आक्खेया जन्दा ऐ, च कुसे दस्तावेज या शारीरिक सम्पर्क दे विजन छड़ा चेहरे राएं पंछान करी लैती जन्दी ऐ।

<><><><><><>

IMD-Weather

भारतीय मौसम विभाग नै औंदे 7एं दिनें दौरान उत्तराखंड ते हिमाचल प्रदेश च भारी थमां बड़ी भारी बरखा पौने दी पेशगोई कीती ऐ। मौसम विभाग नै उप-हिमालयाई पच्छिम बंगाल, सिक्किम, अरुणाचल प्रदेश ते असम ते मेघालय च औंदे वीरवारे तकर बड़ी मती बरखा दी संभावना दस्सी ऐ। मौसम विभाग नै इनें राज्यें ते उत्तराखंड ते हिमाचल प्रदेश च मोइलेधार बरखा पौने दी खदशे करी Red Alert घोषित करि दिता ऐ। इस्सै चाली बिहार ते ओडिसा दे किश हिस्सें च बी भारी बरखा दी संभावना दस्सी गई ऐ। मौसम दी पेशगोई करने आहली एजेंसी नै बिहार, जम्मू-कश्मीर, लद्दाख, झारखंड ते अंडमान-निकोबार द्वीप समूहें च अज्ज तेज हवा चलने ते गज्जी-चमकियें बरखा पौने दे असार दस्से न तौआई दिल्ली NCR च अज्ज बड़लै सवेला बरखा पेई।

<><><><><><>

Asian Boxing Championships

19एं ते 22एं बरे कोला हेठली उम्मी दी एशियाई मुक्केबाजी चैम्पियनशिप च कल भारत दी रितिका नै महिलायें दे 80 किलोग्राम कोला मते भार वर्ग च सुन्ने दा तगमा जितेया ऐ। बैंकॉक च आयोजित इस प्रतियोगिता च भारत नै बक्ख-बक्ख श्रेणियें च कुल 27 तगमे हासल कीते न। 19एं बरे कोला हेठली उम्मी दी भारतीय टीमै सुन्ने दे त्रै, 7 चांदी दे ते कैह दे तगमे जिते ते चैम्पियनशिप च दुई थाहर हासल कीती, जिसलै के 22एं बरें कोला हेठली उम्मा आहले वर्ग च भारतीय टीम नै इक सुन्ने दा, 4 चांदी दे ते 8 कैह दे तगमे समेत कुल 13 मैडल हासल कीते न। महिलायें दे “57 किलोग्राम भार वर्ग च यात्री पटेल”, “60 किलोग्राम च प्रिया नै” मर्दे दे “75 किलोग्राम वर्ग च नीरज” नै ते “90 किलोग्राम कोला उप्परले वर्ग च ईशान कटारिया” नै चांदी दा तगमा हासल कीता ऐ।

<><><><><><>

ECI Fact Check

चुना आयोग नै कांग्रेस लीडर राहुल गांधी ते राष्ट्रीय जनता दल जनेइयें सियासी पार्टियें दे वशेष व्यापक नजरसानी आले दावे गी नकारी दिता ऐ। सोशल मीडिया पर वास्तविकता दी तस्दीक मगरा चुना आयोग नै आक्खेया जे सच्चियां चुनां फेहरिस्ता लोकवाद गी तगड़ा करदियां न।

<><><><><><>

SC-Stray Dogs

दिल्ली सरकारै दिल्ली एन.सी.आर च कुत्ते आसेया बड्डे जाने ते हलकाह दी समस्या पर काबू पाने लेई आवारा कुत्तें गी फगड़ियै उंदी नसबंदी करने ते उनेंगी स्थाई तौरा पर बनाए गेदे आसरमें च रक्खने दे सुप्रीम कोर्ट दे हुकमै दा सुआगत कीता ऐ। दिल्ली दियां मुखमंत्री रेखा गुप्ता होरें आक्खेया ऐ जे एह हुकम बड़ा महत्वपूर्ण ऐ कीजे राष्ट्रीय राजधानी ते NCR दे इलाके च एह समस्या इक गंभीर शकल इख्तेयार करदी जा रदी ऐ। उनें भरोसा दोआया जे सरकार सुप्रीम कोर्ट दे इस हुकम पर पूरी संजीदगी कन्ने अमल करदे होई योजनाबद्ध तरीके नै एहदे पर कारवाई करियै इस खतरे गी दूर करोग।

<><><><><><>

World Elephant Day

अज्ज हाथियें दे संरक्षण सरबंधी कुल संसारी ध्याड़ा ऐ जेहड़ा हर बरे 12 अगस्त गी मनाया जन्दा ऐ। इस मौके पर भारत च राष्ट्रीय सतह दा उत्सव “राष्ट्रीय हाथी उत्सव” तमिलनाडू दे कोयंबटूर च मनाया जाहग। एह उत्सव पर्यावरण, जंगलात ते जलवायु परिवर्तन मंत्रालय आसेया तमिलनाडू दे मैहकमा जंगलात दे सहयोग कन्ने आयोजित कीता जा रदा ऐ। केन्द्री पर्यावरण मंत्री भूपेन्द्र यादव होर इस कारजक्रम दा उदघाटन करगंन, जेहदे च जंगलात सरबंधि नीत-निर्माता, जांगली जिएं-जैंतुएं सरबंधि माहिर ते समाज दे बक्ख-बक्ख वर्गे दे प्रतिनिधि मिलियै हाथियें दे संरक्षण, माहनू ते हाथियें बश्कार होने आहलियें खतरनाक झत्तें दी समस्या कन्ने निबड़ने दे तरीके पर चर्चा करगंन। भारत च

33 हाथी अभयारण्य ते 150 हाथी कारीडोर न जित्थे दुनिया दे तकरीबन 60 प्रतिशत जंगली हाथी रौहन्दे न।

<><><><><><>

Shah-Speakers Conference

केन्द्री गृहमंत्री अमित शाह होर 24 अगस्त गी दिल्ली विधान सभा च दंऊ दिनें दे कुल भारतीय स्पीर्कस सम्मेलन दा उदघाटन करगंन। एह सम्मेलन देसै दे चुने गेदे पैहले-पैहले विधानसभा अध्यक्ष दे रुपै च विट्ठलभाई पटेल हुंदे केन्द्री विधानसभा अध्यक्ष दा ओहदा साम्भनें दे 100में बरे दे सिलसिले च आयोजित कीता जा रदा ऐ। दिल्ली विधान सभा अध्यक्ष विजेन्द्र गुप्ता होरें दस्सेया ऐ जे विट्ठलभाई पटेल हुंदे जीवन, संसदीय योगदान ते आजादी दी लड़ाई च उन्दी भूमिका पर आधारित इक नमैश, इक डाक्युमेंट्री ते इक यादगारी डॉक टिकट बी जारी कीती गई।

<><><><><><>